

**JAVNA USTANOVA
„MES - MEĐUNARODNI TEATARSKI FESTIVAL – SCENA MESS“**

**PRAVILA JAVNE USTANOVE
„MES - MEĐUNARODNI TEATARSKI FESTIVAL - SCENA MESS“**

Sarajevo, 10. maj/svibanj 2016. godine

Na osnovu člana 27. stav 1. alineja 1. i člana 38. Zakona o ustanovama („Službeni list RBiH“, br. 6/92, 8/93 i 13/94) i člana 10. Odluke o osnivanju Javne ustanove „MES – Međunarodni teatarski festival – Scena MESS“ („Službene novine Kantona Sarajevo“, br. 3/99 - Prečišćeni tekst, 31/07, 1/13 i 28/14), v.d. Upravni odbor Javne ustanove „MES - Međunarodni teatarski festival – Scena MESS“, na sjednici održanoj dana 10. maja/svibnja 2016. godine, donio je

PRAVILA JAVNE USTANOVE „MES - MEĐUNARODNI TEATARSKI FESTIVAL - SCENA MESS“

I OSNOVNE ODREDBE

Član 1.

(Sadržaj Pravila)

Ovim Pravilima uređuju se: naziv i sjedište Javne ustanove „MES - Međunarodni teatarski festival - Scena MESS“ (u daljem tekstu: MES); osnivač MES-a i obaveze MES-a prema osnivaču; djelatnost, način i uslovi obavljanja djelatnosti MES-a; statusne promjene; način raspoređivanja sredstava za rad; broj članova Upravnog i Nadzornog odbora, njihova prava, obaveze i odgovornosti, postupak i uslovi njihovog razrješenja; imenovanje i razrješenje Direktora, prava, obaveze i odgovornosti Direktora; drugi organi i tijela MES-a, njihova prava, obaveze i odgovornosti; uslovi i postupak njihovog izbora i razrješenja; lice ovlašteno da pored Direktora zastupa MES i njegova ovlaštenja; procedura usvajanja izvještaja o radu i finansijskom poslovanju i posljedice njegovog neusvajanja; opći akti i način njihovog donošenja; ostvarivanje javnosti rada i druga pitanja od značaja za rad MES-a i za ostvarivanje prava, obaveza i odgovornosti zaposlenika MES-a.

Član 2.

(Naziv i svojstvo pravnog lica)

- (1) MES posluje pod nazivom: Javna ustanova „MES - Međunarodni teatarski festival - Scena MESS“.
- (2) Sjedište MES-a je u Sarajevu, ulica Maršala Tita 54.
- (3) MES ima svojstvo pravnog lica i za svoje obaveze odgovara svom svojom imovinom – potpuna odgovornost.
- (4) MES ima pravo da u pravnom prometu zaključuje ugovore i da vrši druge poslove i radnje u okviru svoje pravne sposobnosti i registrovane djelatnosti.

Član 3.

(Osnivač)

Osnivač MES-a je Kanton Sarajevo. Osnivač je supsidijarno odgovoran za obaveze MES-a.

Član 4.

(Obaveze prema osnivaču)

- (1) MES ima obaveze prema osnivaču utvrđene Zakonom i Odlukom o osnivanju Javne ustanove „MES - Međunarodni teatarski festival - Scena MESS“ (u daljem tekstu: Osnivački akt).
- (2) Pravila MES-a i Pravilnik o unutrašnjoj organizaciji i sistematizaciji MES-a stupaju na snagu danom dobijene saglasnosti Vlade Kantona Sarajevo.
- (3) MES je dužan Vladi Kantona Sarajevo dostavljati na saglasnost planove rada i razvoja i godišnji program rada MES-a.
- (4) MES je dužan Skupštini Kantona Sarajevo (u daljem tekstu: Skupština) podnositi Izvještaj o poslovanju, najmanje jedanput godišnje.
- (5) Godišnji program rada sa finansijskim planom za sljedeću godinu dostavlja se Ministarstvu kulture i sporta Kantona Sarajevo u Nacrtu najdalje do 1. septembra tekuće godine, a utvrđeni prijedlog Godišnjeg programa rada sa finansijskim planom dostavlja se posredstvom Ministarstva kulture i sporta, Vladi Kantona Sarajevo i Skupštini Kantona Sarajevo.

II DJELATNOST I SREDSTVA ZA RAD

Član 5.

(Djelatnost)

- (1) Djelatnost MES-a je prezentacija i produkcija djela iz oblasti teatra, filma, književnosti, muzike i organizacije drugih kulturnih manifestacija i to:
 - 59.11. Proizvodnja filmova, video filmova i televizijskog programa
 - 59.12. Djelatnosti koje slijede nakon proizvodnje filmova, video filmova i televizijskog programa
 - 59.13. Distribucija filmova, video filmova i televizijskog programa
 - 59.14. Djelatnost prikazivanja filmova
 - 90.01. Izvođačka umjetnost
 - 90.02. Pomoćne djelatnosti u izvođačkoj umjetnosti
 - 90.04. Rad umjetničkih objekata.
- (2) MES ima međunarodni karakter.

Član 6.

(Organizacione jedinice)

Poslovi iz djelokruga MES-a obavljaju se u okviru tri organizacione jedinice i to:

- (a) Umjetnički sektor – Festival MESS
- (b) Umjetnički sektor – Scena MESS
- (c) Tehničko – operativni sektor.

Član 7.

(Umjetnički sektor - Festival MESS)

U Umjetničkom sektoru - „Festival MESS“ obavljaju se poslovi koji se odnose festivalsku djelatnost koja podrazumijeva selekciju, ugošćavanje i razmjenu djela iz oblasti izvedbenih umjetnosti, održavanje radionica, učešće u svjetskim i evropskim festivalskim mrežama, prezentaciju i promociju bosanskohercegovačkih izvedbenih umjetnosti na internacionalnoj sceni, održavanje pratećih sadržaja festivala, s ciljem da se pruži gledateljima i teatarskim stručnjacima uvid u savremenu teatarsku produkciju, istovremeno omogućavajući mjesto teatarskim profesionalcima za susret i razmjenu kreativnih ideja za buduće projekte. Festival međunarodnog karaktera održava se jednom godišnje.

Član 8.

(Umjetnički sektor - Scena MESS)

U Umjetničkom sektoru - Scena MESS obavljaju se poslovi koji se odnose na produkciju i prezentaciju djela iz oblasti izvedbenih umjetnosti, kreiranje produkcijske platforme i umrežavanje sa drugim produkcijskim kućama i organizacije drugih kulturnih manifestacija, tokom cijele godine.

Svojom djelatnošću pripreme i organizacije, te javnog izvođenja dramskih i muzičko-scenskih djela ostvaruje se interes Osnivača u zadovoljavanju javnih potreba za teatarskom djelatnošću.

Član 9.

(Tehničko-operativni sektor)

U Tehničko-operativnom sektoru obavljaju se poslovi koji se odnose na materijalno-finansijsko poslovanje, pravne, tehničke, personalne i druge administrativno-tehničke poslove MES-a.

Član 10.

(Rukovođenje Javnóm ustanovom i organizacionim jedinicama)

- (1) Javnóm ustanovom MES direktor javne ustanove.
- (2) Umjetničkim sektorom Festival MESS rukovodi Umjetnički rukovodilac Festivala MESS.
- (3) Umjetnički sektorom Scena MESS rukovodi Umjetnički rukovodilac Scene MESS.
- (4) Tehničko-operativnim sektorom rukovodi Rukovodilac tehničko-operativnog sektora - Izvršni producent.
- (5) Umjetnički rukovodioci iz st. (2), (3) i (4) ovog člana imenuju se na mandatni period od četiri godine na osnovu konkursne procedure.

Član 11.

(Pravo zaključivanja ugovora i vršenja drugih pravnih poslova)

MES ima pravo da u pravnom prometu zaključuje ugovore i da vrši druge poslove i radnje u okviru svoje pravne sposobnosti i registrovane djelatnosti.

Član 12.

(Statusne promjene)

- (1) MES može proširiti ili promijeniti djelatnost, kao i vršiti druge statusne promjene, promijeniti naziv i sjedište odlukom osnivača, u skladu sa odredbama člana 14. Zakona o ustanovama ("Službeni list R BiH" br. 6/92, 8/93 i 13/94).
- (2) Inicijativu za promjene iz stava (1) ovog člana pokreće Upravni odbor MES-a.

Član 13.

(Način raspoređivanja sredstava za rad)

- (1) Sredstva za rad MES-a raspoređuju se finansijskim planom, u skladu sa planom rada i razvoja, godišnjim programom rada MES-a, Zakonom o izvršenju Budžeta Kantona Sarajevo i drugim propisima.
- (2) Naredbodavac za izvršenje finansijskog plana MES-a je Direktor.

III ORGANI UPRAVLJANJA, RUKOVOĐENJA I DRUGI ORGANI

Član 14.

- (1) Organ upravljanja u MES-u je Upravni odbor.
- (2) Organ rukovođenja (poslovni organ) u MES-u je Direktor MES-a.
- (3) Organ kontrole poslovanja u MES-u je Nadzorni odbor.
- (4) Umjetničko savjetodavno tijelo Direktora je Umjetnički savjet MES-a.

Član 15.

(Upravni odbor)

Upravni odbor MES-a (u daljem tekstu: Upravni odbor):

- (1) donosi Pravila MES-a, uz prethodnu suglasnost Vlade Kantona Sarajevo
- (2) imenuje i razrješava Direktora MES-a
- (3) utvrđuje planove rada i razvoja, uz prethodnu saglasnost Vlade Kantona Sarajevo
- (4) utvrđuje godišnji program rada, uz prethodnu suglasnost Vlade Kantona Sarajevo
- (5) donosi finansijski plan i usvaja godišnji obračun
- (6) donosi opća akta MES-a, utvrđena ovim Pravilima, i daje njihovo autentično tumačenje
- (7) odlučuje o svim pitanjima obavljanja djelatnosti radi koji je MES osnovan, ako zakonom nije regulisano na drugi način
- (8) usmjerava, kontroliše i ocjenjuje rad Direktora MES-a
- (9) rješava sva pitanja odnosa sa osnivačem
- (10) odlučuje o korištenju sredstava u iznosu od 5.000 i više.
- (11) odgovara osnivaču za rezultate rada MES-a
- (12) odlučuje o prigovorima uposlenika na rješenja koja je donio Direktor MES-a, a kojima se odlučuje o pravima, obavezama i odgovornostima uposlenika iz radnog odnosa
- (13) podnosi godišnji izvještaj o poslovanju osnivaču
- (14) vrši i druge poslove u skladu sa zakonom i pravilima MES-a.

Član 16.

(Broj i način imenovanja članova Upravnog odbora)

- (1) Upravni odbor MES-a ima predsjednika i četiri člana, od kojih je jedan iz reda stručnih radnika zaposlenih u ustanovi.
- (2) Predsjednika i članove Upravnog odbora MES-a imenuje i razrješava Vlada Kantona Sarajevo.
- (3) Predsjednik i članovi Upravnog odbora MES-a imenuju se na mandatni period od četiri godine, uz mogućnost ponovnog imenovanja.
- (4) Sjednice Upravnog odbora saziva predsjednik Upravnog odbora, na osnovu zahtjeva i materijala koje dostavlja direktor ustanove.
- (5) Sjednice Upravnog odbora su u pravilu zatvorenog tipa.
- (6) U odsutnosti predsjednika Upravnog odbora, zamjenjuje ga njegov zamjenik iz reda ostalih članova Upravnog odbora, koji se imenuje na konstitutivnoj sjednici.
- (7) Sjednice Upravnog odbora može sazvati i član Upravnog odbora koji zamjenjuje predsjednika Upravnog odbora, Direktor MES-a, na prijedlog najmanje dva člana Upravnog odbora, Nadzorni odbor MES-a, Vlada Kantona Sarajevo.
- (8) Sjednice Upravnog odbora zakazuju se po potrebi, odnosno po pravilu jedanput mjesečno.
- (9) O radu i odlukama Upravnog odbora vodi se zapisnik, kojeg potpisuje predsjednik, odnosno član Upravnog odbora koji ga zamjenjuje i zapisničar.

Član 17.

(Direktor)

Direktor MES-a u rukovođenju radom MES-a:

- (a) zastupa i predstavlja J.U. MES,
- (b) odgovoran je za zakonitost rada J.U. MES,
- (c) predlaže Upravnom odboru mjere za efikasno i zakonito obavljanje djelatnosti rada zbog koje je ustanova osnovana, unutrašnju organizaciju i sistematizaciju poslova i osnove planova rada i razvoja J.U. MES,
- (d) izvršava odluke Upravnog odbora
- (e) odlučuje o pravima, obavezama i odgovornostima usposlenika iz radnog odnosa,
- (f) naredbodavac je za izvršenje finansijskog plana,
- (g) odgovoran je Upravnom odboru za rezultate rada i finansijsko poslovanje J.U. MES,
- (h) učestvuje u radu Upravnog odbora J.U. MES bez prava glasa,
- (i) imenuje i razrješava umjetničke rukovodioce iz člana 10. st. (2), (3) i (4) ovih Pravila
- (j) vrši i druge poslove u skladu sa zakonom i pravilima ustanove,

Član 18.

(Imenovanje i razrješenje Direktora)

- (1) Direktora MES-a (u daljem tekstu: Direktor) imenuje i razrješava Upravni odbor Javne ustanove.
- (2) Direktor se imenuje na osnovu javnog konkursa uz saglasnost Vlade Kantona Sarajevo.
- (3) Javni konkurs se objavljuje u „Službenim novinama Federacije Bosne i Hercegovine“ i najmanje jednom dnevnom listu velikog tiraža, s ciljem da bude dostupan najširoj javnosti.
- (4) Direktor ne može biti član Upravnog odbora niti lice koje je na funkciji u političkoj stranci.
- (5) Direktor se imenuje na mandatni period od četiri godine i može biti ponovo imenovan.
- (6) Ako direktor nije imenovan Upravni odbor će bez konkursa imenovati vršioca dužnosti direktora iz reda stručnih radnika zaposlenih u ustanovi koji može rukovoditi ustanovom do imenovanja direktora, a najduže šest mjeseci od dana njegovog imenovanja.

Član 19.

(Uslovi za imenovanje Direktora)

- (1) Za Direktora MES-a može biti imenovano lice koje ispunjava sljedeće opće uslove:
 - a. da je stariji od 18 godina
 - b. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja konkursa
 - c. da se na njega ne odnosi član IX 1. Ustava Bosne i Hercegovine
 - d. da nije izabrani zvaničnik, nosilac izvršnih funkcija ili savjetnik, u smislu Zakona o sukobu interesa u institucijama vlasti Bosne i Hercegovine
 - e. da nije osuđivan za krivično djelo ili prekršaj nespojiv sa dužnošću Direktora
 - f. da je zdravstveno sposoban za obavljanje dužnosti Direktora.
- (2) Pored navedenih općih uslova, kandidat za Direktora MES-a mora ispunjavati i sljedeće posebne uslove:
 - a. visoka stručna sprema – VII stepen ili završen drugi ili treći ciklus bolonjskog sistema studiranja - jedna od umjetničkih akademija, filozofski fakultet ili arhitektonski fakultet,
 - b. da ima najmanje pet (5) godina radnog iskustva u struci nakon sticanja fakultetske diplome od čega najmanje tri (3) godine radnog iskustva na poslovima iz oblasti kulture i umjetnosti,
 - c. da je regionalno i internacionalno afirmisan u svojoj oblasti,
 - d. da se ističe organizacionim sposobnostima,
 - e. da ima aktivno znanje stranih jezika (obavezno engleskog ili njemačkog jezika koje se dokazuje verifikovanim dokumentom; diplomom ili drugim validnim dokazom).

- (3) Kandidat za Direktora MES-a dužan je, uz prijavu na konkurs dostaviti dokaze o ispunjavanju opštih i posebnih uslova iz st (1) i (2) ovog člana i prijedlog Programa rada i razvoja MES-a za mandatni period.

Član 20.

(Imenovanje Direktora)

- (1) Upravni odbor obavlja intervju sa svim kandidatima koji su blagovremeno dostavili potpunu dokumentaciju iz člana 18. ovih Pravila, te utvrđuje rang listu kandidata.
- (2) Upravni odbor pristupa glasanju redosljedom iz rang liste iz stava (1) ovog člana i imenuje za Direktora kandidata koji dobije natpolovičnu većinu od ukupnog broja članova upravnog odbora.
- (3) Upravni odbor dostavlja svoju odluku o imenovanju Direktora ustanove na saglasnost Vladi Kantona.
- (4) Odluka o imenovanju direktora smatra se konačna danom dobivene saglasnosti Vlade.
- (5) Nakon dobijanja saglasnosti od Vlade Kantona, odluka o imenovanju se dostavlja imenovanom kandidatu, a kandidatima koji su ispunjavali uslove za direktora, dostavlja se obavijest o izabranom kandidatu.
- (6) Protiv Odluke iz stava (4) ovog člana, svaki kandidat može u roku od osam dana od dana dostavljene obavijesti, podnijeti prijedlog za pokretanje postupka pred nadležnim sudom.

Član 21.

(Uslovi za razrješenje Direktora prije isteka mandata)

Vlada Kantona će razriješiti Direktora i prije isteka vremena na koji je imenovan, u sljedećim slučajevima:

- a) ako se utvrdi da je odgovoran za neuspješan ili nezakonit rad MES-a,
- b) ako je MES poslovaao sa gubitkom dvije (2) godine uzastopno,
- c) na njegov lični zahtjev,
- d) ako Skupština Kantona Sarajevo ne usvoji godišnji izvještaj o radu i finansijskom poslovanju MES-a,
- e) ako se utvrdi da u svom radu krši propise ili opće akte Javne ustanove ili ne izvršava zakonite odluke Vlade Kantona Sarajevo i Upravnog odbora ili postupa u suprotnosti sa njima,
- f) u drugim slučajevima utvrđenim zakonom i ovim Pravilima.

Član 22.

(Nadzorni odbor)

- (1) Nadzorni odbor MES-a je samostalni kolegijalni stručni organ MES-a, sa posebnim pravima, obavezama i odgovornostima u oblasti ostvarivanja kontrole poslovanja u MES-u.
- (2) Kontrolnu funkciju iz svog djelokruga Nadzorni odbor MES-a vrši u skladu sa ovim Pravilima i zakonom utvrđenim ovlaštenjima.
- (3) Nadzorni odbor MES-a ima tri člana, od kojih je jedan iz reda stručnih radnika zaposlenih u ustanovi.
- (4) Predsjednika i članove Nadzornog odbora imenuje i razrješava Vlada Kantona Sarajevo.
- (5) Za predsjednika i članove Nadzornog odbora MES-a ne mogu biti imenovani predsjednik i članovi Upravnog odbora, kao ni uposlenici MES-a, raspoređeni na radna mjesta računopolagača i rukovanja finansijskim i materijalnim sredstvima MES-a.

Član 23.

Nadzorni odbor:

- a) analizira izvještaje o poslovanju MES-a
- b) u obavljanju nadzora nad upotrebom sredstava za rad, pregleda godišnje izvještaje o poslovanju i godišnji obračun
- c) pregleda i provjerava urednost i zakonitost poslovnih knjiga
- d) izvještava osnivača, Upravni odbor i Direktora MES-a o rezultatima nadzora.

Član 24.

- (1) U ostvarivanju svojih funkcija Nadzorni odbor ima pravo i dužnost:
 - a. uvida u dokumentaciju vezanu za poslovanje MES-a, finansijske i računovodstvene isprave, poslovne knjige, kao i druge podatke, koji su vezi sa radom službi koje izvršavaju finansijsko-računovodstvene poslove MES-a.
 - b. da zahtijeva preko odgovarajućih uposlenika MES-a, pružanje pomoći na istraživanju pojedinog slučaja i dostavljanju podataka kojima raspolažu
 - c. da se obraća, uz prethodnu suglasnost Vlade Kantona Sarajevo, odgovarajućim organizacijama društvene kontrole i inspekcijskim službama, radi pružanja stručne i druge odgovarajuće pomoći u vezi sa pitanjima koja spadaju u nadležnost Nadzornog odbora.
 - d. da o svom radu redovno obavještava Vladu Kantona Sarajevo.
- (2) Izvještaj o radu Nadzornog odbora o ustanovljenim nedostacima ili nepravilnostima treba da sadrži tačne podatke o nedostacima i nepravilnostima, podatke o nastaloj šteti i o uzrocima, prijedlog mjera za

sprječavanje, odnosno otklanjanje štetnih posljedica, prijedloge za preduzimanje mjera protiv odgovarajućih lica i organa MES-a, i druge potrebne prijedloge.

- (3) Izvještaj, prijedloge i druga pismena akta koja podnosi Nadzorni odbor MES-a, potpisuje predsjednik i svi njegovi članovi.
- (4) Kada Nadzorni odbor smatra da neka nepravilnost ili radnja u predmetu vršenja kontrole predstavlja krivično djelo, privredni prestup ili prekršaje, dužan je da o tome odmah obavijesti Direktora MES-a i Vladu Kantona Sarajevo, radi preduzimanja mjera za pokretanje odgovarajućeg postupka protiv izvršioca tih nepravilnosti, odnosno radnji.

Član 25.

- (1) Upravni odbor i Direktor MES-a, po dostavljanju izvještaja sa prijedlogom za preduzimanje mjera, dužni su da razmotre svaki prijedlog Nadzornog odbora MES-a i da otklone nepravilnosti i nedostatke, ako je otklanjanje istih u njihovoj nadležnosti. Dužni su da obavijeste Nadzorni odbor o utvrđenom stanju, preduzetim mjerama ili stavu po određenom pitanju, odnosno da ga obavijeste da je otklanjanje predmetnih nedostataka ili nepravilnosti van njihove nadležnosti, sa ukazivanjem na organ kojem kao nadležnom Nadzorni odbor treba da uputi svoj izvještaj, odnosno prijedlog.
- (2) Ako organi iz stava 1. ne poduzmu odgovarajuće mjere, Nadzorni odbor MES-a će o tome izvijestiti Vladu Kantona Sarajevo.
- (3) Rad Nadzornog odbora MES-a i njegov djelokrug rada, prava i dužnosti predsjednika i članova, kao i druga pitanja, mogu se bliže urediti odgovarajućim Poslovníkom Nadzornog odbora.

Član 26.

(Uslovi razrješenja predsjednika i člana Upravnog odbora
i predsjednika i člana Nadzornog odbora)

Vlada Kantona će razriješiti predsjednika i člana Upravnog odbora i predsjednika i člana Nadzornog odbora i prije isteka mandata na koji je imenovan, u sljedećim slučajevima:

- a) ako se utvrdi da je odgovoran za neuspješan ili nezakonit rad MES-a,
- b) ako je MES poslovaó sa gubitkom dvije (2) godine uzastopno,
- c) na njegov lični zahtjev,
- d) ako Skupština Kantona Sarajevo ne usvoji godišnji izvještaj o radu i finansijskom poslovanju MES-a,
- e) ukoliko ne izvršava svoje zakonom i pravilima utvrđene obaveze,
- f) ako članu Upravnog odbora, odnosno Nadzornog odbora koji je imenovan iz reda stručnih zaposlenika Javne ustanove prestane radni odnos u Javnoj ustanovi,
- g) u drugim slučajevima utvrđenim zakonom i ovim Pravilima.

Član 27.

(Postupak i način razrješenja predsjednika i člana Upravnog odbora, odnosno Nadzornog odbora i Direktora)

Postupak i način razrješenja predsjednika i člana Upravnog odbora, odnosno Nadzornog odbora i Direktora vrši se u skladu sa: Zakonom o ustanovama, osnivačkim aktom i ovim Pravilima.

Član 28.

(Umjetnički savjet)

- (1) Umjetnički savjet je savjetodavno tijelo Direktora u vođenju poslova MES-a iz domena umjetnosti.
- (2) Umjetnički savjet naročito:
 - a) prati ostvarivanje programa MES-a,
 - b) razmatra predloženu umjetničku koncepciju koju je kreirao Direktor MES-a,
 - c) razmatra predloženi repertoarski plan i estetski ga vrednuje,
 - d) prihvata plan gostovanja i učešća na Festivalu MESS koji predlaže Direktor.
- (3) Umjetnički savjet sačinjavaju istaknuti domaći i strani umjetnici i drugi stvaraoci iz oblasti umjetnosti i kulture
- (4) Umjetnički savjet ima pet članova koje na prijedlog Direktora imenuje i razrješava Upravni odbor.
- (5) Mandat članova Umjetničkog savjeta je dvije godine i mogu biti ponovo imenovani.
- (6) Direktor razrješava člana Umjetničkog savjeta ukoliko ocijeni da ne izvršava obaveze utvrđene stavom (2) ovog člana.

IV OVLAŠTENJA

Član 29.

(Ovlašteno lice i obim ovlaštenja)

- (1) Direktora MES-a, u slučaju njegove odsutnosti ili spriječenosti, zamjenjuje lice koje ovlasti Direktor.
- (2) Ovlašteno lice koje zamjenjuje Direktora MES-a, ima za to vrijeme sva prava, dužnosti i obaveze, ovlaštenja i odgovornosti Direktora MES-a, koja su zakonom, ovim Pravilima i drugim općim aktima MES-a utvrđena za Direktora MES-a
- (3) Direktor MES-a može dati pismeno punomoćje za zaključivanje određenih vrsta pravnih radnji (generalno punomoćje), odnosno za zaključivanje pojedinačno određenih ugovora i preduzimanje drugih pojedinačnih pravnih radnji (specijalno punomoćje). Punomoćje se izdaje na određeno ili neodređeno vrijeme.
- (4) Finansijska dokumenta koja se odnose na raspolaganje novčanim i drugim materijalnim sredstvima i pravima, potpisuje Direktor MES-a.

V IZVJEŠTAVANJE

Član 30.

(Izveštaj o radu i finansijskom poslovanju MES-a)

- (1) Upravni odbor podnosi Vladi Kantona Sarajevo i Skupštini Kantona Sarajevo, najmanje jedanput godišnje, izvještaj o radu i finansijskom poslovanju MES-a.
- (2) Kada Upravni odbor utvrdi izvještaj o radu i finansijskom poslovanju (u daljem tekstu: Izvještaj), dostavlja ga Vladi Kantona Sarajevo i Skupštini Kantona Sarajevo, putem Ministarstva kulture i sporta Kantona Sarajevo.

Član 31.

(Posljedice neusvajanja Izvještaja o radu i finansijskom poslovanju)

Ukoliko Skupština Kantona Sarajevo ne usvoji godišnji izvještaj o radu i finansijskom poslovanju MES-a, Vlada Kantona Sarajevo će razriješiti predesjednika i članove Upravnog odbora, Nadzornog odbora i direktora, u skladu sa Zakonom, Osnivačkim aktom i ovim Pravilima.

VI OPĆI AKTI

Član 32.

(Opći akti)

Upravni odbor donosi:

- a) Pravila MES-a, uz prethodno suglasnost Vlade Kantona Sarajevo
- b) Pravilnik o unutrašnjoj organizaciji i sistematizaciji poslova MES-a, uz prethodnu suglasnost Vlade Kantona Sarajevo
- c) Poslovnik o radu Upravnog odbora MES-a
- d) Pravilnik o plaćama i drugim naknadama
- e) Pravilnikom o poslovnoj i službenoj tajni
- f) Pravilnik o zaštiti od požara
- g) Pravilnik o nabavci roba, ustupanju usluga i dodjeli radova
- h) Druge opće akte, u skladu sa Zakonom i ovim Pravilima.

Član 33.

(Inicijativa za donošenje, izmjene i dopune općih akata)

- (1) Inicijativu za donošenje, izmjene i dopune općih akata može dati Direktor, član Upravnog, odnosno Nadzornog odbora i zaposlenici MES-a.
- (2) Inicijativa se podnosi Direktor.
- (3) Ukoliko Direktor podrži inicijativu iz stava (1) ovog člana, daje uputstva za izradu teksta općeg akta ovlaštenom zaposleniku, posebnoj stručnoj komisiji ili stručnom licu koje odredi Direktor.
- (4) Ukoliko Direktor ne prihvati inicijativu iz stava (1) ovog člana, o razlozima neprihvatanja obavještava podnosioca inicijative.
- (5) Direktor utvrđuje prijedlog akta i upućuje ga Upravnom odboru na usvajanje.

Član 34.

(Izmjene i dopune općih akata)

Izmjene i dopune Pravila i drugih općih akata vrše se na način na koji su i doneseni.

Član 35.

(Tumačenje općih akata)

- (1) Tumačenje općih akata daje Upravni odbor.
- (2) Tumačenje poslovnika daju organi koji su ih donijeli.

Član 36.

(Stupanje na snagu općih akata)

Opći akti stupaju na snagu osmog dana od dana objavljivanja na oglasnoj ploči MES-a.

Član 37.

(Javnost rada)

- (1) Organi MES-a su dužni da obavještavaju zaposlenike i javnost o svom djelovanju i da omogućе slobodan pristup informacijama u skladu sa zakonom.
- (2) O svim aktivnostima MES-a javnost se obavještava putem sredstava javnog informisanja.

Član 38.

(Poslovna tajna)

- (1) Zaposlenici MES-a i članovi organa MES-a i Direktor dužni su da čuvaju poslovnu i službenu tajnu, podatke i isprave koje se smatraju poslovnom, odnosno službenom tajnom utvrđenom zakonom, drugim propisima i ovim Pravilima.
- (2) Službenom i poslovnom tajnom smatraju se naročito podaci:
 - a. koje nadležni organ utvrdi kao poslovnu tajnu
 - b. koje kao povjerljive povjeri ili saopšti nadležni organ MES-a
 - c. koji se odnose na odbranu
 - d. ponude na konkursu i javnom nadmetanju
 - e. dokumenti, isprave i podaci čije bi saopštavanje neovlaštenom licu, s obzirom na njihovu prirodu i značaj, bilo protivno interesima MES-a, odnosno koji su, kao tajni, zaštićeni zakonom.
- (3) Isprave i podaci koji se smatraju poslovnom, odnosno službenom tajnom posebno se čuvaju i ne smiju se saopštavati niti činiti dostupnim neovlaštenim licima.
- (4) Poslovnu, odnosno službenu tajnu dužni su čuvati svi zaposlenici koji na bilo koji način saznaju za isprave i podatke koji se smatraju poslovnom odnosno službenom tajnom.

- (5) Pravilnikom o poslovnoj i službenoj tajni, koji donosi Upravni odbor, utvrđuju se podaci i isprave koji se smatraju poslovnom odnosno službenom tajnom, način čuvanja, način saopštavanja određenim licima i dr.

VII PRELAZNE I ZAVRŠNE ODREDBE

Član 39.

(Prestanak važenja dosadašnjih Pravila)

Danom stupanja na snagu ovih Pravila prestaju da važe Pravila MESS-a - Međunarodnog teatarskog i filmskog festivala Sarajevo od 27.07.1993., broj 54/98 od 03.03.1998. godine i broj 220-PR/12 od 30.03.2012.

Član 40.

(Ravnopravnost spolova)

Gramatička terminologija korištena u Pravilima podrazumijeva oba spola.

Član 41.

(Stupanje na snagu Pravila)

Ova Pravila stupaju na snagu danom dobijene saglasnosti Vlade Kantona Sarajevo.


Broj: 257/16

Sarajevo, 10. maj/svibanj 2016.



Predsjednik Upravnog odbora
Emir Kapetanović

Na ova Pravila Vlada Kantona Sarajevo dala je saglasnost na sjednici održanoj _____ godine, svojim aktom broj _____ od _____, a u skladu sa članom 10. Odluke o osnivanju Javne ustanove „MES - Međunarodni teatarski festival – Scena MESS“ („Službene novine Kantona Sarajevo“, broj 3/99 - Prečišćeni tekst i broj: 31/07, 1/13, i 28/14).



Broj: 02-05-17436-46/16
Sarajevo, 12.05.2016. godine

...NA USTANOVA MES - MEĐUNARODNI
TEATARSKI I FILMSKI FESTIVAL
SARAJEVO
Broj: 267/16
Datum: 17.05.2016. ✗

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), i člana 10. Odluke o osnivanju Javne ustanove MES - Međunarodni teatarski festival – Scena MES, ("Službene novine Kantona Sarajevo", br. 3/99 – Prečišćeni tekst, 31/07, 1/13 i 28/14), Vlada Kantona Sarajevo na 42. sjednici održanoj 12.05.2016. godine, donijela je

O D L U K U
o davanju saglasnosti na Pravila Javne ustanove
MES - Međunarodni teatarski festival – Scena MES

I

Daje se saglasnost na na Pravila Javne ustanove MES - Međunarodni teatarski festival – Scena MES, broj 257/16 od 10.05.2016. godine.

II

Ova Odluka objavit će se u "Službenim novinama Kantona Sarajevo".



Elmedin Konaković

Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo kulture i sporta
4. JU MES - Međunarodni teatarski festival – Scena MES
(putem Ministarstva kulture i sporta)
5. Za objavu u "Službenim novinama Kantona Sarajevo"
6. Evidencija
7. Arhiva

